



L O G I C O R U M  
 L I B E R D E C I M U S  
 E T U L T I M U S.  
 I N Q U O  
 P A R S S P E C I A L I S  
 D E  
 U S U I N S T R U M E N T O R U M  
 L O G I C O R U M.

---

*Cap. I. Logicae specialis necessitas &  
 distributio.*

**P**ersecuti sumus cum Deo partem Logicæ generalis: superest nobis pars specialis, quæ tradit modum benè disferendi in specie. *Vocatur à Keckermanno Gymnasium Logicum, itemq; Logica specialis: ab aliis Critica.*

Logica generalis exposuit instrumentorum Logicorum naturam, & (ut ita dicam) fabricam atq; architecturam. Specialis deinceps exponet rationem utendi instrumentis Logicis in cognoscendis & recognoscendis omnibus ac diversissimis rerum disertabilium generibus.

Logicæ specialis præcognoscitur necessitas, & distributio. (sitare usus.

Necessitas Logicæ specialis dependet à necessitate usus. Quòd si igitur evicero, usum Logices esse necessarium; patebit quàm necessaria sit Logica specialis. Nam si est usus Logices; ille considerandus erit vel in disciplinâ cujus est, vel extra disciplinam. Non hoc: quia quælibet ars sufficienter debet tradere media, quæ ad finem ipsius commodè & expeditè consequendum sunt necessaria. Jam autem Logices finis est tradere modum benè disferendi. Modus disferendi, proprium & adæquatum illud Logicæ subjectum, consideratur in genere vel in specie. E. ut sit finis cum subjecto, & utriusq;